

مستطابق

دوسعادتده باب عالی جوارنده
دائرة مخصوصه

محل اداره :

اخطار :

مسلكمزه موافق آتار جديده مع المنونيه
قبول او انورد
درج ابدله بن آتار اعاده او انورد

ديبر، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و مشوره اسلاميه و در بحث ايدر و هفته ده بر نشر از انورد.

آبونه بدلی

صاحب و مؤسسری :

دوسعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

قیرله دن مقوا بورو ایله کوندریلیرسه سنوی

تاریخ تأسیسی

ممالک عثمانیه ایچون ۸۰ ۴۰ غروش

۲۰ غروش فضله آلیر

۱۰ تموز ۳۲۴

روسیه » ۶۰۰ ۳۰۰ روبله

سائر ممالک اجنبیه » ۱۷ ۹ فرانق

در دنجی جلد

۱۰ جمادی الاول ۳۲۸ پنجشنبه ۶ مایس ۳۲۶

عدد : ۱۹

انسانه و ایمانه

زمان اولورکه انسان . بو مختزار فئاده هر شیدن بیقرار ؛ مشعش بر سربك انوار جاذبه دارینه قاپیلوب درین وادیلری ، یوکسک طاغلی ، مهور ده کزلی آشمقندن ، هپ او آمال مستقبله نك ، یالانچی خنده لرله کولن اوسربك بخش ایتدیکی غیرتله قوشمقندن بی تاب مشی قالدق فیفای حیاته و ققه کیر تفکر اولور: بتون حیات گذشته سی ، بلکه بتون ماضی عمر بشر پیش فکرتنده جانلایر . کورورکه بتون ستاره آمالی انجلیاب طلوع اوله دن افولکیزین عدم آباد اولوب کیتمش . بتون او ذوق وسعادتلر نیر غفلتدن اصابت ایتمش اوچوی برخنده ضیادن باشقه برشی دکل . بتون الم و کریمه لرده هپ او سونوب کیده جک شهاب املاک طلوعنه انتظاردن عبارت . جهانک نه ذوقنده شمه حقیقت کورور ، نه جورنده . هر شی قرار سز ، هر شی برتحول دائمی به معروض . دبدبهر ، طنطنه لر ، عالمی تره دن جهانکیرلر ، جهانانه درس ویرن حکیملر ... هپ محکوم فنا . شوکت وشانلر ، صیت وشهرتلر .. ذوق وسعادتلر ، الم وفلاکتلر ... بونلر هپ یالان ، یالان . اورته ده برهیچی حیاتدن باشقه هیچ برشی یوق . بهار کلیر ، خزان کیدر . فرح کلیر ، ترح کیدر . بو ، بر انقلاب متمادی که ضبط ایدیلز ، توقیفی غیر قابل ، بر نقطه ثباته ارجاعی محال . هپ بویله ، بیچاره بشر هپ بویله : بوگون برامید نوظلوعک خیال تحقیق ایله خندان ، یارین بریأس قطعینک اکتراپ حیاتیق ساسی ایله کریان . شیمدی آغلار ، بر آرز سوکرا آغلادیفنه کولر . شیمدی کولر ، بر آرز سوکره کولدیکنه تأسف ایدر . ماضیسنه متأسف ، استقباله اطمنانی یوق . ایلری می ، کری می ؟ حیرته قالیر . او زمان حیاتدن ، بو معوج کدرکاهدن ، حتی کاشاندن درین برنفرت طویار . بوی صفا کره نك بتون آلایشنده برشمه تراب حس ایدر . مظنطن کاشانلر نظرنده بویاعش برر مزار ، بیکرله شمسه پاره آمال بر توده سناه شکنه کیرر .. مکوک سمالر مظلم بولوطلره ، ملون افقلمر مأمیریز غروب لره ، یشیل طاغلمر قارارمش طوبراقلره دونر .. لطیف لطیف آقان جویبارلرک ، حزین حزین چاغلایان شلاله لرک آهنکدار نشایدی زیر زمینده کی ایکتیلر کی کلیر . بر نشاط اوتن بلبللرک ترغمانی سرشیلر اوقویان اسحاقلرک مزارلره عکس ایدن آچی فریاد لرینی آ کدیرر .. حاصلی بتون بدایع جهان نظرنده برلوح خرابه به ، بتون زمناط لطیفه بر فریاد ناله کاره دونر ؛ نره به توجیه نگاه ایلسه برسیاهی فنا ایچنده نظرلری بوغولور . هانکی جهته وقف سماخ ایلسه بر ناله بوم ایله بینی طولار . نظرنده جهانک چوکوک بر قبرستاندن ، انسا فلرک متحرک بررسنک مقابردن فرقی قالماز . هر شیده بر نشانه عدم ظلمت فشان اولور . آیاقلری آلتندن کره لر اوچار ، فوق رأسنده سمارلیقلیر . صانکه روحی جسمندن آریلیر . هر شیشه برابر وجودینک ، قلبینک - اوت ، بی نهایت آمال بزمده نك مسقط خنرفانی اولان قلبینک - ده شو قوافل فایه التحاق ایتدیکنی کورور . کیت کیده بتون عالمحرکتندن آریلیر ، بر بویله چارپیشیر . طاغلمر ، دره لر ، آفاق وسمار عدم آباد هیچارهیچه سوزولوب کیدر . بر کردباد قیامت هر شیمی بر غبار هیچی به ، بردود سیاهه قلب ایدر . نهایت بر جوفی مطلق ...

بو دقیقه لر ، معنویاتک حیات وحماتی اولان بو زمان یأس وفتور بشر ایچون نه بیوک برابتلادر! انسان بویله بر اوچوروم کنارینه کلوبده کنندی مظلم ، سیم سیاه بوشلقلر ایچنده کوردیکی زمان بو کوزل دنیانک ، بو مزین طبیعتک نه سی واردرکه آتی او کرداب ضلالتدن قورتاره بیلسون ؟ جهانک هانکی ذوقی ، هانکی سعادتق واردرکه اکا مدد کار اوله بیلسون ، انک قلبنه نشوة تسلیم بخش ایده بیلسون ؟ .. نظرنده کائنات یوق ؛ موجودات بر ظل کشف ، بر ظلمت سیاه . قلبنده امید قالمش ؛ آتی یوق ، پدشنده کردابلر ظلمت فشان . هیچ بر ید خلاصکار یوق ؛ جهان رحیم وشفیق دن عاری . کوشنه بر صدا کلز ؛ جهان سمیع وحمید دن خالی . ماضی مظلم ، آتی مظلم ، برلر قارا کلن ، سمارسیاه . عجا بو شب یلدا ی خسرانده نور ایماندن باشقه انسانه رهبر اوله جق برضیا ، « الله » دن باشقه صغنه جق بر پناه وارمی ؟ ...

ع . اشرف ارباب

بولق ایچون عادی وحقیر شیلرک درحال فدا ایدلسی لازم کلیر . بر شیک عادی ویاعظیم اولسی ده شی آخره نسبه تقدیر وتعیین اولنور . بو حالده ارباب رفاه ویسارک مدت حیاتلرنده نائل اوله بیله چکلری لذت صافیله حساب اولنسون بعده فرق ثلثه سالفه نك اعتقادلری مقتضاسنجه اصحاب بصیرت وایقان وارباب تصدیق وایمانک احراز ایده چکلری سعادت سرمدیه ایله مقایسه ایدلسون که اوکا بدل ترک اوله جق مشتهیات فانیه نك دنا تی ، دکر سزلکی آشکار اولسون .

بو اوج احتمالک جمله سنی تجاوز ایدرک حالت رابعیه گرفتار اولورسه ک یعنی منکر بعث وحشر اولان فرقه ضاله نك سوزینی قبوله . اصرار ایله ابراز جهالتده بولنورسه ک سکا شو یولده خطاب ایدرم : سن بو اصرارینی اوله قطعی ضروری بر برهان منطقی به استناد ایتدیرم لیسک که اونده هیچ بر صورتله احتمال غلط وخطا بولنمین . اگر اوت ! نم بویله بر دلیل واردر . فقط اورته به قومغه مجبور دکلم دیرسه ک سکا غایت قیسه بر جواب ویرم . دیرم که دیمک سن کندی باشکه بوتون انبیا واولیا وطوائف حکما وجاهیر عقلا نك واقف اوله مدقلری بر نوع دلیل ووقوف واطلاع دعواسنده بولنورسک . دنیاده بوندن عجیب وغریب بر ادعا تصور ایده بیلنه عشق اولسون . اوله غایت کثرتی وعلوم ومعارفده تقدم ومهارتی خاتر اولان وایچلر نده کی انبیا عظامک معجزات عظیمه لرله اصابتلری مؤید بولنان بو ذوات حقائق آیاتک غلط وخطا ایتلرینی تجویز ایتدیکنک حالده سن نه قدر عالی بر زکا وفطرته مالک ایمش ، یاخود اعتماد نفس وغرور شیطانی خصلت ردیه سنده نه مرتبه ایلری وارده سسک که کندی خطا کی بر درلو دائرة احتماله صیغدیره میورسک ، دلیل موهومنده غلط امکانی قاله آیورسک .

اگر جهالتک اوج بالاسنه چیقیدینک حالده ذره قدر انصافک واریسه بزدن صاقلادینک دلیلکده کی امکان غلطی اعتراف ایدرسک بو حالده آنفا مشروح حالت ناله به رجوع ایتمش اولورسک واوراده درمیان ایتدیکنم سوزلری نظر مطالعیه الغه مجبوریت حس ایدرسک .

یوق ! بو تجویز واعترافه اصلایناشمیه رق غلط وخطانک بهمه حال انبیا وحکما طرفنده اولسنه اصرار ایدرسک ، بویله بر عناد ناجحیه مصر اولوب قالیرسه ک یعنی واحدک نصف الاثنین اولسنی وسواد ایله بیاضک ممنوع الاجتماع بولنسنی جزمک کی - بعدالموت روحک بقاسنی محالات عقلیه دن عد ایدرک - بعثک عدم وقوعی جازم اولدیغکی ادعا ایدرسک آرتق قابل تداوی اولیه جق بر آفت عقلیه مبتلا اولدینک تحقیق ایتمش اولورکه العیاذبالله بویله بر درد دوا ناپذیره گرفتار اولان کیمسه به چاره بولماز ، بناء عایه سنک حالکه تأسفدن باشقه المزین برشی کلز . قرآن کریمده بو مقوله جهل مرکب اربابی حقیقه « اولئک کالانعام بل هم اضل اولئک هم الغافلون » دییه رک فطرت بشریه دن صد مرحله دور اوللرینی اعلان ایتکده در .

مناسترلی اسماعیل حق